



CONCELLO DE MOS  
Rúa da Vía, s/n - Petelos  
36416 - Pontevedra  
Nº de Identificación: C333333

## **EXENCIÓN NO CANON DA AUGA E COEFICIENTE DE VERTEDEURA PARA DETERMINADOS SECTORES A CAUSA DOS EFECTOS DO COVID-19**

O venres día 29 de xaneiro de 2021 foi publicada no DOG a Lei 4/2021, do 28 de xaneiro, de medidas fiscais e administrativas. Nesta Lei establécese, entre outros aspectos, unha nova exención no canon da auga e coeficiente de vertedura dirixida a paliar os efectos da covid-19 en determinados sectores e que ten a seguinte redacción:

### *Artigo 4. Canon da auga e coeficiente de vertedura*

*2. Como medida excepcional dirixida a paliar os efectos da covid-19 en determinados sectores, establécese a seguinte exención aplicable ao canon da auga e ao coeficiente de vertedura.*

*Quedan exentos do pagamento do canon da auga ou do coeficiente de vertedura os consumos de auga correspondentes aos períodos de facturación comprendidos entre o 5 de novembro de 2020 e a data en que se levante a declaración de situación de emerxencia sanitaria de interese galego efectuada polo Acordo do Consello da Xunta do 13 de marzo de 2020, ambas as datas incluídas, nos seguintes establecementos, sempre que estes diminúisen significativamente a súa actividade nese período:*

- a) Establecementos de restauración: restaurantes, salóns de banquetes, cafeterías e bares.*
- b) Os seguintes establecementos de lecer e entretemento: salas de festas, discotecas, pubs, cafés espectáculo e furanchos.*
- c) Hoteis e aloxamentos turísticos.*
- d) Albergues turísticos.*

*Para os efectos da aplicación da exención, entenderase producida unha diminución significativa da actividade nos establecementos indicados cando no período de vixencia da exención os consumos realizados sexan iguais ou inferiores ao 25 % do consumo realizado no período de facturación inmediatamente anterior ao 5 de novembro de 2020.*

*No caso de contribuíntes que non dispoñan de contador de auga que permita determinar a variación de consumos por este medio, a diminución significativa da actividade que dea dereito á exención deberá acreditarse mediante a achega por aqueles dos rexistros de aloxamentos, dos servizos efectivamente realizados ou do consumo eléctrico dos que se desprenda unha diminución da actividade no período de vixencia da exención de, polo menos, o 75 % respecto da actividade desenvolvida no período de facturación inmediatamente anterior ao 5 de novembro de 2020. No caso de que a diminución significativa da actividade nos termos indicados nos dous parágrafos anteriores só se produza nalgún ou nalgúns dos períodos de facturación incluídos dentro do período de vixencia da exención, a exención só se aplicará naqueles períodos de facturación en que teña lugar a diminución. As entidades subministradoras virán obrigadas a non repercutir o canon da auga e, de ser o caso, o coeficiente de vertedura, aos abonados que, conforme o previsto anteriormente, teñan dereito á exención. Respecto daqueles importes xa repercutidos na data de entrada en vigor desta lei, as entidades subministradoras deberán regularizar tales importes na primeira facturación que realicen, con posterioridade á dita data, aos abonados que sexan beneficiarios da exención. No suposto de contribuíntes que se abastezan de fontes propias de*





*abastecemento de auga, Augas de Galicia non liquidará o canon da auga e, de ser o caso, o coeficiente de vertedura, correspondente ao período ou períodos de facturación en que se teña dereito á exención.*

*A exención regulada neste artigo tramitarase por solicitude previa do interesado na que xustifique o cumprimento dos requisitos establecidos.*

Así mesmo, e aos efectos de aprobar o modelo de solicitude ao que se fai referencia na citada Lei, no día de hoxe vén de ser publicada no DOG a Resolución do 17 de febreiro de 2021 pola que se establece o modelo normalizado para a solicitude da exención.

[https://www.xunta.gal/dog/Publicados/2021/20210219/AnuncioO143-180221-0001\\_gl.html](https://www.xunta.gal/dog/Publicados/2021/20210219/AnuncioO143-180221-0001_gl.html)

Por outro lado, o modelo AU231C aprobado nesa resolución está dispoñible (a partir do día 20) na sede electrónica da Xunta de Galicia no seguinte enlace

<https://sede.xunta.gal/detalle-procedemento?codtram=AU231C>

Por todo o anterior, e aos efectos de aclarar as dúbidas que poidan ter en relación á aplicación da exención, na área privada da web do canon da auga (<https://canondaauga.xunta.gal>) están dispoñibles os criterios de actuación que deben seguir coa finalidade da súa aplicación aos contribuíntes que a soliciten. Non obstante, por medio do presente escrito procedementos a remitirlle copia do indicado escrito cos criterios de actuación.

Para calquera dúbida ao respecto, o persoal de Augas de Galicia está á súa disposición nos teléfonos 981 545081 e 981 544575.

Santiago de Compostela  
O Subdirector Xeral  
de Réxime Económico e Financeiro  
Pedro Pedrouzo Devesa  
(documento asinado dixitalmente)

